

佛歷紀元二九五三年三月 三版

八識規矩頌貫

珠解

尊一署



世界佛教居士林印行
上海開北新民國慶路口

世界佛教居士林出版圖書目錄

世界佛教居士林刊

釋迦牟尼佛略傳

地藏菩薩行願紀

真言宗義章

託爾斯泰與佛經

佛初學中之科學化

佛學初階

大乘起信論解

佛學起信論會指要表解合刊

楞嚴經科會指要表解合刊

唯識三十論紀聞

唯識易簡

唯識方便談第一編第二編

八識規矩頌貫珠解

大字排印阿彌陀經

初機淨業指南

龍舒淨土文

西歸捷要

彌陀經分科略解

一至八期每冊二角半

九期起每冊二角

一角

一角

一角

一角

五角

五分

一角五分

二角五分

四角半

編著中

每冊一角

三角

五角

一角

一角

一角

宏道居士論佛書稿第一集第二集
戒煙拔苦集
世界教育示準

念誦集要

朝暮課誦

達生編誦

了凡四訓

大日如來像

一代守本尊像

往生安樂土法門略說

佛說無常經

廣長舌

戒殺放生集

重刊聖師錄

慈護編

放生殺生現報錄

唯識論文集

百喻經淺釋

每冊一角

一角

一角

二角

五分

五分

三分

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

贈閱

注意 贈送書籍如蒙索閱須附郵票

印遞中

20154

一册

C
204.74
幻

八識規矩頌貫珠解

優婆塞幻修述

此頌唐玄奘法師所作。將心王八識類分為體性、行、別境、善、十一、中、二、八大、貪、瞋、癡、



聖界。註解用貫珠法。將頌句分析嵌入。嵌入之詞以「號」表明之。

前五識頌一

性境現量通三性 眼耳身三二地居 徧行別境善十一 中二八大貪瞋癡

(首句)眼識、耳識、鼻識、舌識、身識。此為五識。其所緣之境。於三境中。惟是性境。其能緣之量。於三量中。惟是現量。其業性則通乎善、惡、無記。三性。○(次句)在有情界九地之中。鼻舌兩識。惟第一五趣雜居地行之。二地以上則不行矣。眼耳身三識。則以第二離生喜樂地為居止之所。三地以上亦不行矣。○(三句)其相應心所。共有三十三個。為徧行五、別境五、善十一。○(末句)中隨煩惱。二更有八個。大隨煩惱。及根本煩惱之貪瞋癡三者。

前五識頌

前五識頌二

五識同依淨色根

九緣八七好相鄰

合三離二觀塵世

愚者難分識與根

(首句)此五識所依而發之根。其形狀各殊者爲浮塵根。若就勝義根言。則同依於肉眼不見。天眼方見之清淨。色法所成之根無別異也。○(次句)識雖依根而發。苟缺他緣。亦不能顯。故統論其依緣。則眼識須藉明空等九緣耳。識則藉除明外之八緣。鼻舌身三識則藉除明空外之七緣。小異大同。好相鄰近也。○(三句)至於對境而觀五塵世間。須根境相合者。爲鼻舌身三識。須根境相離者。爲眼耳二識。其觀察塵世之不同有如此者。○(末句)對境生情。孰爲其主。彼小聖之愚於法相者。尙難分別。是識與根。况凡夫耶。此五識之情狀。所以日用而鮮知也。

前五識頌三

變相觀空惟後得

果中猶自不詮真

圓明初發成無漏

三類分身息苦輪

(首句)凡聖之殊。繫於迷悟。迷者執妄。悟者解空。執妄爲識。解空爲智。若諸識於所緣境。能不起迷執。而觀察我空法空之種。此卽轉識成智之功。超凡入聖之基也。然此所觀空理。卽是真如有體有相。而此能觀妙智。亦遂有一種之異。能直觀真如之體者。爲根本智。須變起真如之相而觀。

之者爲後得智。今五識轉成之智。但能變相而起。故其觀空之智。惟屬後得耳。○(次句)此不獨在因地爲然。卽在果果中五識轉成之智。猶且自己不詮(證也)眞如。安得謂之根本智乎。○(三句)云何轉智。菩薩地盡。入如來地。此得藏識轉爲大圓鏡智。光明初發。其所持之五根。轉爲無漏色法。則依此而發之五識。亦成爲無漏五智。所謂成所作智也。○(末句)此五智卽能成就如來所作三類分身。謂對地前菩薩。作千丈勝應身。對二乘凡夫。作丈六劣應身。對餘道衆生。作隨類變化身。而此無量分身。徧十方刹。無非令諸衆生。息生死苦輪。高證佛果。作利他事業也。

意識頌一

三性三量通三境

三界輪時易可知

相應心所五十一

善惡臨時別配之

(首句)吾人通常思念之心。是爲意識。其業性。通有善性。惡性。無記性。之三性。其能緣量。通有現量。比量。非量。之三量。其所緣境。通有性境。帶質境。獨影境。之三境。○(次句)意識徧行於欲色無色。之三界。故三界衆生。輪迴未息時。此識相粗。無論升沈。顯易可知。非如後二識之不易知也。○(三句)其相應心所。則具足五徧行。五別境。十一善。六根本煩惱。二十隨惱煩。四不定。共有五十一個。○(末句)意識起念。或善或惡。或爲無記。臨時卽有此善惡無記心所。分別支配與之相應。

不差毫厘。

意識頌二

性界受三恆轉易

根隨信等總相連

動身發語獨爲最

引滿能招業力牽

（首句）意識需緣簡少。故得恆時生起。而變動不居。在造因則三性恆轉變易。在結果則三界恆轉變易。至於觸境生感。忽樂忽苦。忽憂忽喜。忽捨其於五受亦恆轉變易。此於性界受三者。恆常轉展變易之狀也。○（次句）心王既恆轉變易。心所自亦如是。時而根本煩惱與之相應。時而大中小隨煩惱與之相應。時而信等善法。或不定。或別境。與之相應。總相牽連無時或離也。○（三句）意識之|情狀如此。所以能牽動身根。而造身業。啓發口舌。而造語業。較之餘識。其力爲獨強。其用爲最烈。○（末句）夫吾人所造身語等業。熏於藏識。而成來世因種者。有二類。其一能引起來世總報之果。其二能成滿來世別報之果。總之六道衆生。能招來世之果報者。皆此意識造業之力。牽令趣生而已。故此識爲凡界中最有權力者矣。

意識頌三

發起初心歡喜地

俱生猶自現纏眠

遠行地後經無漏

觀察圓明照大千

(首句)意識轉智。亦在不執虛妄法塵。而觀達二空真如。然其轉智次第。要有三位。若其發起最初與智相應心品。卽在菩薩第一聖位歡喜之地。○(次句)然在初地。惟分別我法二執已斷。其俱生我法二執。猶尙自然現行纏繞於用事。種子隨眠於藏識。而未伏且斷也。○(三句)若至菩薩第七聖位。遠行地後。則俱生我執之種子已斷。法執之現行已伏。此時意識純爲無漏。卽第二位轉智也。○(末句)直至入如來地。則意識之法執種子亦斷。爲第三轉智究竟成就之位。能觀察諸法性相。圓滿光明。遍照大千世界。無不洞澈。如來鑒機說法。端賴於此。所以稱爲妙觀察智也。

末那識頌一 (卽染污識)

帶質有覆通情本

隨緣執我量爲非

八大徧行別境慧

貪癡我見慢相隨

(首句)意根謂之染污識。繼意識第六。故又稱爲第七識。此識緣藏識之見分爲帶質境。其業性爲無記性。然無記有二。與染法相應。能覆障淨法者。謂之有覆。非是則爲無覆。而此識屬於有覆。又此識相分之性。則秉此識見分性之有覆無記。及藏識見分性之無覆無記。而謂之通乎情。(見分)本(相分本質)此帶質境之相也。(性境之性同乎本質。獨影境之性同乎見分)○(次

句。此識隨其所緣。藏識見分。執之爲我。我是衆生我執之所由致也。夫藏識之見分。原非是我。認非我爲我。故其能緣之量。成爲非量。○(三句)其相應心所。但有十八個。爲八個大隨煩惱。五個徧行。而別境中一個慧。○(末句)更有貪癡我見及慢之四個根本煩惱。與之相隨而不捨離。

末那識頌二

恆審思量我相隨

有情日夜鎮昏迷

四惑八大相應起

六轉呼爲染淨依

(首句)此識思量之功。在八識中最爲優異。其優異之點。蓋在恆常詳審二者。然其所以爲思量者。惟此妄執之我相。隨逐之不捨而已。○(次句)惟此識將妄執之我相。恆常思惟。詳審量度。致令一切有情。從無始來。日夜不息。分別人我。鎮住於六道而不肯出離。昏迷於二執而未曾覺悟也。○(三句)此識既具見癡愛慢四惑。與八個大隨煩惱。恆意應起自己。雖不造業。令所發之意識。因此染污而造作染業矣。○(末句)眼耳鼻舌身意六種轉輾而起之識。皆依此識而生。此識染污。故前六轉識染污。此識若還清淨。則前六轉識清淨。此諸識緣中。所以呼此識爲染淨依也。

末那識頌三

極喜初心平等性

無功用行我恆摧

如來現起他受用

十地菩薩所被機

(首句)末那爲意識之根。故其轉智必藉意識。轉智之功而成菩薩。初極喜地意識已斷分別我法二執種子。初心轉智。故此識亦初心轉智而始成平等性。○(次句)至第八不動地意識第二位轉智。則此識亦於斯時第二位轉智。此後藉無功用行任運將此識之我執種子。恆常摧滅。不復增長。○(三句)入如來地。妙觀察智究竟圓成。則此識所轉之平等性智。亦復成就。如來能現自他不二之境。起他所受用之身。卽依於此智耳。○(末句)此智所現佛身。蓋爲教化初地至第十地諸聖位菩薩而設。亦惟此等菩薩爲所被之機而得受用。此所以爲他受用也。

阿賴耶識頌一 (卽藏識)

性惟無覆五徧行

界地隨他業力生

二乘不了因迷執

由此能興論主諍

(首句)藏識非但不能造作善惡二業。且不與染法相應。故其業性惟是無覆無記。其相應心所祇有五個徧行心所而已。○(次句)此識是衆生果報之體。故徧行於三界九地。而隨他前六識造業之力相應趣生輪轉無休。○(三句)然聲聞緣覺二乘聖人。但知六識。不了更有藏識。都因小乘經中。非顯露說。二乘迷於佛旨。故報爲並無此識。○(末句)由此之故。能興大乘論主廣引聖教。備顯正理。與之諍辨。如成唯識論中所載者。非得已也。

阿賴耶識頌二

浩浩三藏不可窮

淵深七浪境爲風

受薰持種根身器

去後來先作主公

(首句)此識之爲藏也。浩浩乎深廣矣哉。一與染法種子持而不失。是能藏義。爲諸法所熏隨熏成種。是所藏義。此識之見分爲第七識所執。認以爲我。是我愛執藏義。因此識體義具三藏持種受熏執以爲我。隨令無邊有情。無始相續。甚深廣大而不可窮詰也。○(次句)藏識淵深不可窮盡。喻之如海。此識海中。以前七轉識爲其波浪。此波浪之起。卽以其所緣之境。觸邊爲風。風浪互爲因果。相續生滅。致此識海。彌失其湛寂之相。而愈形其鼓盪之態矣。○(三句)此識之在有情界也。受前七識緣境造業之所熏習。而成心色二法種子。復卽執持此諸種子。從過去位運至未來位。一俟成熟。卽現作正報之根身。依報之器界。此根身與器界。亦爲此識所執受而爲其相分也。○(末句)此識既有執受根身器界之功能。故有情之死。其去也。獨後有情之生。其來也。獨先。謂三界有情。以此識作主人公。不信然乎。

阿賴耶識頌三

不動地前纔捨藏

金剛道後異熟空

大圓無垢同時發

普照十方塵刹中

(首句)藏識轉智。亦以末那轉智爲衡。菩薩在第八不動地前。末那第二轉智。斷我執種子。則此識不復爲末那執以爲我。而纔始捨去執藏之義。此爲第一位轉智。能令有情不受分段生死也。○(次句)至菩薩十地後。等覺位中。金剛道後心。卽入如來地時。末那究竟轉智。而藏識之異熟果相亦空。此爲第二位轉智。能令有情不受變異生死也。○(三句)如來地藏識究竟轉智。名爲大圓鏡。此識之因相一切種子。盡成無漏。故名爲無垢。無此識垢。識成就。同時卽爲大圓鏡智。依之而發。此爲第三位轉智之相也。○(末句)藏識中。因具有無漏種子。故爲生死有情之本。今無垢識漏種已盡。惟是無量功德之藏。卽爲諸佛法身。而大圓境智常寂之光。普照十方世界。極微塵數佛剎之中。恆現報化二身。盡未來際。度脫衆生也。

八識矩規頌法相表

前五識——眼 耳 鼻 舌 身

第六識——意

第七識——末那或云染污

第八識——阿賴耶或云含藏

八識心王

八識矩規頌法相表

三境一性境 獨影境 帶質境

三量一現量 比量 非量

三性一善性 惡性 無記性

三界九地

欲界	五趣雜居地
色界	離生喜樂地 定生喜樂地 離喜妙樂地 捨念清淨地
無色界	空無邊處地 識無邊處地 無所有處地 非想非非想處地

六位心所

徧行	五作意 觸 受 想 思
別境	五欲 勝解 念 定 慧
善	十一 信 精進 慚 愧 無貪 無瞋 無癡 輕安 不放逸 行捨 不害
煩惱	六 貪 瞋 癡 慢 疑 惡見
隨煩惱	二十一 忿 恨 惱 覆 誑 憍 害 嫉 慳 無慚 無愧 不信 懈怠 放逸 惛沉 掉舉 失念 不正知 散亂
不定	四 悔 睡眠 尋 伺

心用四分——相分 見分 自證分 證自證分

八識緣生

眼	識九——空	明	根	境	作意	分別依	染淨依	根本依	種子
耳	識八——空		根	境	作意	分別依	染淨依	根本依	種子
鼻	識七——		根	境	作意	分別依	染淨依	根本依	種子
舌	識七——		根	境	作意	分別依	染淨依	根本依	種子
身	識七——		根	境	作意	分別依	染淨依	根本依	種子
意	識五——		境	作意			染淨依	根本依	種子
末那識四——			境	作意			染淨依	根本依	種子
賴耶識四——			境	作意	俱有依				種子

菩薩位

地前賢位	資糧位——十住	十行	十回向
地上聖位	初歡喜地	二離垢地	三發光地
金剛道	六現前地	七遠行地	八不動地
			九善慧地
			十法雲地

五受——苦 樂 憂 喜 捨

八識規矩頌總表

八識規矩頌總表

凡						位		
所	心	應	相	地界	性	量	境	規矩
	大隨煩惱八 愧(不) 中隨煩惱三(貪) 根煩惱二(貪)	輕安不放逸 不害 無慚 無癡	善十一(信) 無貪 無瞋 無癡 別境五 偏行五	欲界色界(鼻舌不行) 五趣雜居 離生喜樂	善惡無記	現	性	前五識
伺不定(四) 嫉(慳) 覆(誑) 小又二(悔) 中又二(諂) 大又二(害) 根煩惱六(惡見)	根煩惱六(貪) 大隨煩惱八 中又二(忿) 小又二(慢) 根煩惱六(惡見)	無癡 無癡 無癡 無癡 無癡 無癡 無癡 無癡	善十一(欲) 無貪 無瞋 無癡 別境五 偏行五	欲色、無色	善惡無記	現比非	性獨影帶質	第六意識
	沈(不信) 失念 散亂 不正知	大隨煩惱八(掉舉) 我見 不信 懈怠 放逸	根煩惱四(貪) 大隨煩惱八(掉舉) 我見 不信 懈怠 放逸 別境一慧 偏行五	欲色、無色	有覆無記	非	真帶質	第七末那識
			偏行五(作意) 受想(思) 觸	欲色、無色 (通他業力生)	無覆無記	現	無本質性	第八阿賴耶識

智		聖		情					
用果	智	轉	惑	斷	行觀	業	相禮	緣	依
如來現大化小化隨類化 之類分身分身教化眾生 永息苦輪也				第八識轉智時 根成無漏 故識亦無漏 而轉為成所作智	變轉相分而觀二空真如 (後得智攝)	眼耳雖中觀處 鼻舌身合中觀處	自性了別 與根離分	除全 耳除明 餘三更	明空 根淨 依 作意 分別 染淨 依 根本 依 種子 除明 餘三更
智照大千內眾生機宜 隨應說法也	妙觀察智圓明矣	等覺位 俱生法執斷	遠行地後 伏斷俱生二 執現行種子 俱生我執斷 純無漏 俱生法執斷	初心歡喜地 伏斷俱生二 執現行種子 伏斷俱生二 執現行種子 伏斷俱生二	資糧位中 漸伏我法二 執現行 分別二執種子 見道位 分別二執種子 初與智應 (發起 斷初喜地)	習二空 (生二空破我執) 法空 (破法執) 觀行	動身發語 造引滿業 招三界報 三性變易 五受輪轉	隨念分別 (計度分別) 自性分別 (易可知)	境 作意 染淨 依 根 本 依 種子
現起他受用身 以十地 菩薩為所被教化之機也			金剛道後 俱生法執斷 平等性智現前矣	初伏 初與智用應 無 功用斷 (即不動地) 俱生我 執用斷	極喜地 初心 俱生二執 初伏 初與智用應 無 功用斷 (即不動地) 俱生我 執用斷	無力斷惑 藉意識修觀 而斷	為前六識轉染淨之依	恆審思量我相隨 有情日夜鑽昏迷	境 (賴耶見分) 作意 根本 依 種子
十方世界 微塵刹土 無不圓明 普照蓋 法界洞明 真俗等觀 蓋	鏡智矣		至此一切種種之有漏 種及劣無漏種永斷而 成無垢識 即轉大圓 鏡智矣	金剛道後 俱生法執 斷盡 不成生 死故 異熟果空	不動地前 (即七地) 俱生我執已斷 故捨 三藏之名 俱生法執 金剛道後 俱生法執 斷盡 不成生 死故 異熟果空		受熏 持種子 根身器 界 去來作主公	浩浩三藏不可窮 淵深七浪境為風	境 (根身器界種子) 作意 俱有 依 未那) 種子

八識規矩頌總表

三

世界佛教居士林組織綱要摘錄

一 一 本林以闡揚佛旨昌明佛教自度度他莊嚴法界爲宗旨概不涉及其他範圍
本林應行事務如左

一 一 甲、(宏化系) 講經部 皈依部 育才部 宣傳部 圖書部 出版部

一 一 乙、(利濟系) 放生部 利生部 祈禱部 茶毘部

一 一 丙、(修習系) 淨業部 禪定部 研究部

一 一 丁、(事務系) 林友部 收支部 會計部 文牘部 交際部 庶務部

一 一 在家二衆能發無上菩提心與本林宗旨相符經本林林友二人以上之介紹得爲本林
林友如無本林林友介紹須得本林認可

一 一 本林林友至少每半年繳納林費洋一元贊助林友一次繳納林費洋五十元

一 一 凡至誠修行欲入本林而無力繳納林費者得由本林酌量准予免費

一 一 林友林董名譽講師等均由本林發給證書徽章以昭鄭重但此項證書僅爲本林標識
不作別用

一 一 凡各界善信蒞臨本林聞法念佛或參觀者概所歡迎並不收費惟遇必要時得僅以本
林林友爲限

一 一 本林每年除會計部編製決算書外凡一年間之捐款人姓名款項及各林友常捐並一
切重大事項均隨時載入林務報告分送林友以徵信實



